

續表忠記卷之五

漸岸恒夫趙吉士纂編

四明公弼盧

宜彙輯

呂忠節公傳

附弟知縣維祐

有明崇禎十四年正月闖賊陷洛陽。福王被醢。執在籍兵部尚書呂維祺。不屈死之。維祺號豫石。文穆公蒙正之後世。為河南府新安人。祖母牛氏以守節獲旌。父孔學事母孝。捐粟千二百石賑饑。兩旌孝義。維祺成進士。移居郡城。初任兗州府推官。歲旱。單騎行

荒賑粥全活萬計修保甲法以弭妖變舉最入爲吏部郎廉狷不受私謁周順昌連鑣郎署亟稱之天啓未卽位前二日內侍導駕幸小南城維祺率同列力爭鹵簿已出乃中止房師奄黨也爲其介弟求改官維祺曰祺敢以私恩紊朝政乎卒不可房師怒絕其門籍不許通甲子奄勢大橫告歸豫省建奄祠募鄉紳助工維祺曰如此士風掃地矣終不與奄毀天下書院維祺立芝泉講會祀伊洛七賢講論不輟崇禎登極起尚寶卿遷太常少卿明年十月陳防微八事

言陛下初何嘗不勤批答近始有留中者留中多則疑慮起恐宮府有睽隔之形當防者一初何嘗不虛懷商榷惟擬旨不當乃改擬徑行內中固有當執奏者安得盡廢匡救當防者二初何嘗有心疑厭其可疑可厭者皆臣工自取乃扶同之見深偏黨之說復起將立黃互爭共夔並進當防者三初何嘗不日御講筵近始有傳免者豈以君德成就無關啓沃乎當防者四初何嘗不寡嗜慾慎晏遊近日得毋偶涉養德養身不可不愆當防者五初何嘗不慎刑獄近則

有下詔獄者。且登聞鼓擊恐長囂訟之風。禁地濺血。且啓輕生之竇。當防者六。初何嘗不重。廷推近則有用陪者。雖簡拔出自上裁。而用陪終非常典。當防者七。初何嘗不樂讜言。近則雷霆時震。思效寒蟬。或有大奸慝。大利害。誰復冒死廷諍。當防者八。俄又陳純聖學。茂聖德。熙聖治。三事言陛下聖學未嘗不純。然學不如堯舜。非純也。書云人心惟危。道心惟微。不但美色當遠。淫聲當絕。宦官宮妾當嚴。卽喜怒偶偏。意見偶執。皆人心也。願時醒此心。嘗與賢士大夫講論。

以涵養性情。陶鎔意見。則陛下之學一堯舜之學矣。聖德未嘗不茂。然德不如堯舜。非茂也。堯舜雖欽明濬哲。猶必詢事考言。達聰明目。陛下天縱聖神。羣臣莫及。然愚者有千慮之得。聖人採狂夫之言。惟舍已從人。尤見大公無我。則陛下之德一堯舜之德矣。聖治未嘗不熙。然治不如堯舜。非熙也。今陛下急於求治。留意富强。欲事事綜核。人人督責。如理棼絲。愈急愈結。何不以擔當責政府。以庶務責六曹。以封疆責督撫。加意親賢。專心先務。所謂任一人足領袖千萬。

人行一事足包函千萬事而陛下之治一堯舜之治矣優旨答之三年三月由太常卿歷南京戶部侍郎督糧儲上以南糧逋欠日多特加專勅有侵欺者五品以下官就便提問維祺念上簡任重而南糧窟穴最深州縣催徵大抵急北而緩南又南糧多派之宦戶豪猾包攬積逋至五六年無從鈎剔檄行州縣提解率以空文具覆甚有卧批不掣遷擱至十餘年者或有已解府司而又那移別款不復補額者官軍先已呼噪侮及官司矣維祺乃悉心振刷又請開爐鑄

錢以佐軍需而嚴杜夾鑄私鑄之弊舊例糧米交倉必三篩三曬耗折滋多若交場給軍者免謂之水兌維祺燭其弊乃改倉爲場聽運軍隨便交納卽以支給兵丁兩皆稱便又錢糧支解自置一簿而自銷之吏胥無從上下其手積弊始清因疏言今天下大可憂者非止一端而財用不足爲最甚夫不足而止求之於財用此所以愈不足也孟子曰無政事則財用不足不從政事清其源卽日言加派日言搜括何濟於事今出入之數溷而難稽欽奉之條寢而不報題

續表忠言 卷之五
覆無專司會計無專職諸司之事雜出不經在外之
差趨避惟意可謂有政事乎臣有六議稽出入以杜
侵漁增比較以完積案設本科以重題覆時會計以
核支收定差序以杜營私禁差假以修職業帝稱善
卽行之四年冬上遣中官監視四出維祺力言耕奴
織婢各有司存堅冰履霜漸不可長所可惜者朝廷
紀綱之體所當辨者治亂消長之機也再陞南司馬
叅贊機務力行振刷職事修舉先是流寇從澠池初
渡淮泗晏然維祺卽憂鳳陵單弱勸上宿重兵爲衛

廷臣漫弗省及賊走鳳陽犯寶城折而陷巢廬北出
陷潁維祺遣都督趙世臣禦之兵潰又維祺性方嚴
多與時忤遂中京察拾遺致仕歸而講學里中立伊
洛會後進及門者二百餘人尤研極孝經著孝經本
義大全或問上之下詔褒揚之日芝生庭中十八葉
若與孝經十八章合成異之洛陽爲福邸分封地王
乃神宗愛子當就國時海內全盛上所遣礦使稅使
月有進奉廣南珠犀香象滇黔丹砂空青寶石南浙
刻絲文綺番舶奇珍陝西異織絨毳豫佳磁蜀重錦

齊楚金銀礦其他搜括羸羨無慮億萬計名大內私財入貴妃掌握凡精鏤瓊寶分天府之半又撥莊田二萬頃鹽引數千綱歲入復不貲十三年大旱蝗人相食維祺與守土官設法賑濟王惟封殖爲事不憂念百姓亦不喜賓客所好者娼樂婦女沉湎宮中軍中糗糒不給口語籍籍或詈道中曰王府金錢巨萬奴隸厭梁肉而令吾輩枵腹死賊手乎維祺聞而憂之具以大計動王欲王法漢時梁孝王故事散財募士以遏天下之衝王不省旣而賊果逼洛陽維祺復

屏人極論開曉萬端祈王發帑爲守禦計王雖領之終不省總兵王紹禹領兵赴援請以兵入王箋阻者三不受命薄暮束炬燒土門詐云逐賊抵七里河與賊合反誨賊攻城王見事急始出千金募士而勢已不支紹禹兵竊竊偶語旦暮以城下賊燹王府而分其所蓄或以告且勸之去維祺曰吾固憂之臨難苟免豈儒者事耶夜半紹禹親軍反從城上呼賊相笑語執守道屬刃其頸口噤斷索餉紹禹從旁謬以苦語解之兵以手推之曰此豈老總兵當言時耶揮刀

殺守堞者燒城樓開北門延賊入維祺北向慟哭子弟牽其衣請避賊維祺曰我以一死上答所受內副所學義當如此去將何之天明賊大至有識之者曰公非賑饑呂尚書乎我能活公可乘間去維祺弗動擁往見其渠時福王匿民舍中賊跡而執之遇於道維祺已被反縛奮其首語王曰王綱常至重等死耳毋詘於賊辱國體見賊渠於周公廟曰呂尚書日請兵餉殺我曹今竟何如維祺瞋目罵曰吾爲天子大臣恨無兵磔汝狗鼠今惟速殺我我死不愧天地不

愧聖賢復何憾賊摔之地不屈申脰就刃容色自若時年五十有五學者稱爲明德先生是日也福王亦遇害賊收王府珠玉貨賂裝縑囊負任以入盧氏山中前後數十里不絕又發王府中金及倉粟大賑饑民饑民赴之者百萬燒王宮火三日不絕事聞予優卹諡忠節弟維祜由選貢生爲樂平知縣解職歸十六年寇陷新安亦抗節死贈按察司僉事福王旣殞思陵在宮中每愴念四方多難骨肉傷殘一日偶倦勤呼老宮婢使述宮中往事因言神廟獨鍾愛福王

當王之國時已出宮門而召還者三且約三歲當入朝上屈指日三歲一千日但恐父王不能待耳及後大漸猶顧視鄭貴妃啜啜以王為念今何如矣上歛歔而起蓋是時河南諸王多被賊害幸而脫走者亦播遷瑣尾不克自振而誨賊破城之王紹禹後被獲檻車獻俘京師磔於西市

趙吉士曰夫子有言篤信好學守死善道蓋以死生之際最足驗人之學力也公云臨難苟免豈儒者事斯天地間乃有真儒矣
附記 纂慈書湧幢小品曰獻俘之禮先一日設御座於午門樓前楹正中是日早分遣勳臣告於南郊太廟教坊司陳設大樂於御路南之東西北

向文武各官朝服刑部堂上官及獻俘官吉服於御道外東西侍立上常服御皇極門鐘聲止鴻臚卿請上乘輿樂作內璫戎裝擁衛前後排列五鳳樓東西兩黃蓋護御籓登午門樓正中黃幄陞座樂止鳴鞭鴻臚寺卿招呼報捷獻俘官宣奏畢錦衣衛堂上官招呼拿俘來校尉擁俘至刑部請付所司行刑上曰拿去廷臣尚未聞聲左右勳戚接者二遞為四乃有聲又為八為十六漸震為三十二最下則大漢將軍三百六十人齊聲如轟雷矣押俘出羣臣稱賀禮畢駕輿

洛陽諸忠合傳

闖賊破河南府。在籍呂尚書維祺死最烈。并紀死事

諸官紳。河南府知府亢孟檜

陳鼎留溪外傳作孟元檜

號似何臨

汾舉人初授洋縣有惠政瑞王之國供應繁劇力請

於王申飭從行宦侍與旂尉不得擅擾民間即微及

草木者亦罪無赦閭井晏然王以此得賢聲而官民

歌○思○孟○檜○去○後○猶○不○置○又○開○堰○浚○渠○民○享○其○利○陞○洛

陽守闖賊陷府城各官多奪門出走孟檜不可賊至

欲降之大罵不屈死後贈太僕卿福王既執承奉劉

顯典膳錢福門正李彰雲等共三十六人外執事書
堂官焦如薰良醫張鳴臯杜一經等十一人皆死監
司則守道王引昌吳橋人身被重傷賊退數日死職
官則通判白守文訓導張道脉冗官武職共九人爲
賊所戕鄉紳則知縣劉芳奕郭顯星韓金聲行人王
明同知楊萃推官常克念舉人苟良翰等皆死而舉
人來秉衡死尤慘秉衡洛陽人天啓四年舉於鄉未
仕辛巳正月李自成陷洛陽秉衡爲賊將劉宗敏所
執令易服欲官之不從羈於南郊民舍顧見其友語

之曰賊勒我以官我義不受辱身必死我死不足惜
但恨老母在堂幼子在襍死不瞑目爾賊聞燒鐵索
加其脛終不從遂被殺并殺其母劉氏及其幼兒芳
奕慷慨饒知畧與秉衡同舉於鄉爲昌樂知縣有政
聲解官歸值歲大饑人相食傾橐賑救賊氛逼集縣
中義士爲干城社佐有司保鄉井及悍卒內叛城忽
陷自縊於西城戍樓克念舉進士爲平陽推官寬厚
簡重政持大體聽斷無冤民至是旋里遂被難顯星
舉於鄉爲許州學正遷翰林待詔未赴抗節死金聲

明皆進士金聲知邯鄲縣明官行人萃良翰皆舉人
萃官辰州知府良翰未仕所轄各縣一時死於賊者
宜陽知縣唐啓泰金谿舉人罵賊不屈被殺賊連攻
永寧知縣武大烈臨潼舉人強敏有幹濟時安郡王
府中人頗恣橫窟穴奸宄莫敢問大烈一繩以法無
所撓寇掠境上城守計甚設而邑人張論爲四川巡
撫罷歸佐有司數却賊論歿子吏部郎鼎延繼之亦
數有功至是獄囚勾賊來攻城守都司宵遁大烈偕
鼎延及其叔父順天府治中讚固守三日賊於夜半

登城執大烈自成以同鄉故欲活之大烈不屈索印
又不予乃燔灼以死鼎延匿智井以免讚及子監生
祚延死之主簿魏國輔教諭任維清守備王正已百
戶孫世英並不屈死萬安王采鏗亦被害賊卽移攻
偃師城虛不能守一日而陷知縣徐日泰不屈大罵
爲賊轡割迄死罵不絕聲啓泰掖縣人日泰金谿人
並起家乙榜

盧宜曰或謂福邸惟知謹守鑰牡不肯出金錢募
兵討賊乃其門下有如許抗節之士不能向王抒
一語而徒以身殉何也雖然呂尚書痛哭請之矣
而卒不用況他人哉

汝州諸忠合傳

河南汝州直隸大州也。明崇禎十四年。其附郭魯山

與傳另有郟縣傳寶豐伊陽皆為賊所破。州守與四縣令

亦皆抗節而死於賊。州守則山東掖縣舉人錢祚徵

字君遠魯山知縣楊呈芳則山海衛人也。汝為流賊

往來孔道。土寇又乘機竊發。聚至萬人。祚徵至欲先

除之。簡鄉勇牙兵得千人。佯為城守計。且白晝閉城

門。示以怯。又為好言招撫之。賊果不疑。夜半忽開門

從間道躡躡踰山谷。直搗其巢。賊方縱酒。大破之。時

又出沒行劫乃令民千家立一大寨有急鳴鉦相救
一寨鉦聲起遠近諸寨競鳴鉦應之各守隘口聚而
擊賊賊不得逞勢遂衰祚徵策賊衆難盡誅而膽已
落乃釋其俘招之其魁魯加勤等果降汝人得少休
十四年正月流賊圍汝祚徵中流矢力疾乘城二月
初四日大風霾城上以礮擊賊風逆火反樓櫓盡焚
城破祚徵被執大罵爲賊攢刺無完膚而死汝人立
廟祀之呈芳爲令撫字有恩亦饒方畧有練總潛結
無賴與進士宗遴諸生熊瑞等謀不軌呈芳捕斬之

至是城陷亦死焉寶豐知縣張人龍遵化人城陷不
屈死妻年少家奴四人欲亂之妻飲以酒俾極歡而
密遣婢告丞尉勒兵捕殺之乃扶櫬歸里伊陽知縣
孔貞璞曲阜人賊薄城以守禦堅解圍去他日有事
汝陽道遇賊被執亦不屈而死有李得笥者寶豐舉
人城陷得笥短衣雜衆中將乘間遁去爲賊小校所
覺執之徒跣牽縛賊以牛金星爲謀主金星常舉於
鄉勸賊重用舉人故賊所至卽搜求舉人官之或勸
得笥自言不可賊役使之又不從伺賊寐將刺之賊

婦大呼賊覺乃被殺有語賊者曰此舉人也賊懼得
 罪、弃、其、屍、後、竟、不、可、得、又、有、劉、恩、澤、者、亦、扶、溝、縣、舉
 人、慷、慨、能、任、事、嘗、以、策、干、當、事、多、見、採、納、十、四、年、十
 月、賊、抵、扶、溝、衆、議、城、守、而、縣、令、駭、不、解、事、恩、澤、在、座
 中、蹶、起、痛、哭、曰、吾、不、幸、乃、從、汝、曹、木、偶、以、死、自、題、樓
 壁、曰、千、古、綱、常、事、男、兒、肯、讓、人、明、日、城、陷、墜、樓、而、死
 一、時、舉、人、盡、節、者、南、陽、張、鳳、翔、王、明、物、洛、陽、張、民、表
 永、城、夏、云、醇、商、城、金、容、善、光、州、王、者、瑄、光、山、胡、植、嵩
 縣、王、翼、明、並、以、罵、賊、被、難、此、皆、有、姓、名、可、得、而、紀、者

汝州

趙吉士曰古云士窮乃見節義使諸公而生於盛
 時其所樹立必有卓卓可垂於竹帛者惜乎僅以
 節義顯也雖然諸公以節義顯其所樹立不又多
 乎哉

邾令李公署尉事顧公合傳

附王昱顧國

李自成再攻汴不克退而陷邾。知縣李貞佐署尉事。汝州吏目顧王家皆死之。貞佐字無欲山西安邑舉人。早有志操。受業同里曹于汴之門。以學行著。初選邾。聞河南賊報。亟星馳赴任。土寇楊同錦雖為闖賊所殺。而餘黨猶聚焦家寨。貞佐簡練鄉兵以資備禦。雖軍事旁午。時出近郊勞耕者。以酒食月必課士。曰：四民復業乃太平氣象。士為四民首。絃誦不輟。為四民倡。不亦可乎。邑有姊妹二人抗賊死。拜其塚。祀以

少牢細民王錫引有孝行造其廬而禮之邾數被賊民囂然不樂生貞佐以太平之治治之士民胥悅王家字翊明仁和人由鹽漕掾考滿叅汝州幕嚴保甲詰奸宄政聲起撫按聞其才委署邾篆貞佐至當代去而王家得民民不忍其去爭留之復署邾尉貞佐語王家曰汴梁周邸封地賊豔心久矣河南被寇禍必中於汴邾爲汴下邑能獨免乎亟議修備辛巳二月賊果攻汴挫衄而去貞佐曰今此寇不及邾者彼方欲集其全力向汴不暇取我也如賊再至克汴則

乘勝捲邾不勝必移怒及之因與王家修備加嚴未幾汴果再被圍賊用火攻火發反中賊賊退果攻邾貞佐與王家竭力乘城百姓感其忠義願與同死至三日矢盡炮火竭城乃陷貞佐與王家俱被執賊恨邾民堅守大肆屠戮貞佐大聲叱曰驅百姓死守者令也令自死耳何妄殺我百姓爲也復罵不止自成怒甚褫其衣冠倒懸諸樹酷苦之貞佐大呼曰吾必訴之上帝誓爲厲鬼以殺賊賊斷其舌然後磔之母喬氏妻某氏皆詈賊死王家見貞佐死慘甚叱曰賊

無道至此恨不能寸斬汝啖汝肉語未畢刀斧齊下
與貞佐同時畢命事聞贈貞佐河南僉事王家亦邀
卹典當城破時貞佐有友人王昱獨不去及貞佐遇
害收其屍并殮其母妻葬於城南郊王家有子國能
文兼工詩賦賊盡殲邾人將及國國給以藏金所在
賊喜同國往發之乘間以巨石擊賊賊支解之邾人
收王家與國屍葬於蛾眉山蘇公墓側每清明日邾
人必祭奠二塚至於今不替縣中舉人陳心學銓授
知縣不謁選而歸爲自成所執欲官之不從被殺舉

人周卜曆知內黃以父喪旋里自成旣殺心學更憫
卜曆如何曰吾以老母在此若欲仕何故里居自成
曰汝不願仕何以官內黃曰爾時父在母未老也今
母老多疾安得舍之而官自成曰爲我執縣官來可
代汝死曰戍人以利己仁者不爲也自成怒亦殺之
趙吉士曰李公登賢書佩縣印爲百里侯以死報
國理之正也若翊明以掾史邀一命微矣而卒與
李爭烈觀其子爲父死成忠成孝豈偶然哉

南陽諸忠合傳

南陽為中州四達之區。乃流賊所必爭。明崇禎辛巳。兩被圍。終受其陷。爰紀前後諸忠抗節而死者。其先則知府顏日愉也。日愉浙江上虞人。由乙榜授葉縣令。惠政及民。而強項與上官忤。被劾。部民詣闕訟。寃者數百人。乃還職。歷知靜寧州。羅賊嘯聚。馳請固原鎮兵合勦。先率壯士數人招諭之。賊弛備。精兵直搗其巢。大破之。遷開封同知。攝澠池滎陽二篆。大著聲績。立生祠祝之。撫按以南陽要衝。會舉日愉為知府。

至則儲糧治械民甚倚之日愉益奮厲十四年正月
李自成陷洛陽張獻忠陷襄陽敗問至南陽闔城震
恐文武共誓報國倣備甚嚴五月初七日闖賊果至
漏未盡卽令賊黨冒雨登城日愉督將士奮擊士民
羣助之殺城上賊幾盡餘賊引退城獲全而日愉手
中一矢項中二刀遽殞於城頭闔城莫不哀悼後贈
太僕寺卿賊旣不得志於南陽旁掠附近州縣九月
大破秦督傅宗龍於項城勢益張又聞顏知府死大
喜十一月乘勝再圍南陽其時城守者道則叅議艾

毓初才監司也字孩如米脂人戶部侍郎希淳之曾
孫舉辛未進士知內鄉縣毓初生長邊陲知兵習戰
六年冬流賊來犯毓初令埋大砲滾地龍於城外而
城內暗通火線故於埋砲處備禦單疎示賊以瑕賊
果爭馳之燃線而炮發賊死無算乃解去歷陞至叅
議分守南陽日愉之却賊也毓初亦有功至是自成
用宋獻策計窺關中必先取南陽復驅大隊來犯楊
文岳援軍至卽引退甫退又復嘯聚使援者倣於奔
命而城中援旣絕糧復盡遂自潰毓初城樓自縊而

與城俱殉者。一日總兵猛如虎健將也。起自行伍。虓
狼善鬪。常隨曹文詔勦賊於晉。手斬賊目姬。關鎖於
黑山。後屢積功。至開府。每戰樂爲士卒先。瀕死者數
矣。幸不死。移鎮南陽。賊合圍。用大礮攻城。如虎多方
捍禦。乘間開門搏賊。賊避其鋒。而盡銳陷他門。如虎
持短刀巷戰。大呼殺賊。賊死者不計。手及袍袖。瀝血
斗許。過唐府國門。北面叩頭謝上恩。自稱力竭。賊刺
刃出其背而死。二日知府丘懋素廉吏也。甫涖任。卽
簡丁壯繕雉堞爲城守計。甚悉。常曰。吾郡處衝途。無

高山大川可恃。又朱邸所建。賊垂涎久。吾懼與河南
開封連臂入阱也。及城陷。賊知其得民誘之。降大罵
不屈死。闔署長幼男女咸罵。延頸受刃。無一人乞憐
者。一日叅將劉士傑亦勇將也。常逐張獻忠於開縣。
日暮雨作。諸將以人馬乏。擬詰朝而戰。士傑恐賊之
宵遁也。大聲曰。自瀘州逐賊。馳四旬而後及之。惟敵
是求。今遇賊不戰。縱其奔突。誰執其咎乎。請爲諸君
先舞刀直進。連勝之。至是亦以陷陣而歿。遊擊郭開
如虎子守備猛先捷。南陽知縣姚運熙主簿門迎恩。

訓導楊氣開皆死之賊斧麒麟閣刺唐藩於其宮中。州之王封胥陷郡邑亦被賊蹂躪殆遍。

趙吉士曰億明史紀事載猛將軍為張獻忠敗於開縣劉郭諸將皆死及綏寇紀畧則載猛與諸將死於南陽若以時考之是年辛巳傳汪二公先後俱死於河南不數月而南陽陷當以南陽者為是蓋以其地之相去不遠也既死王事則在蜀在豫一而已矣又何必問其為獻忠為自成耶

副使張公推官鄺公合傳

附知縣李大覺遊擊黎民安鄺妻妾子女

獻賊詐破襄陽。襄王遇害。副使張克儉推官鄺曰廣死之時崇禎十四年四月也。克儉字禹型山西屯留

人進士。忼慨敦大節。初令河南輝縣。著廉能。聲六年

二月。羣盜犯武安。守備曹鳴鶚戰死。轉而攻輝。克儉

乘城固守。賊不能下。屯百泉書院三日而去。入為兵

部主事。有薦其才者。召對。稱旨。十二年十月。擢湖廣

按察司僉事。監鄖襄諸軍。督師楊嗣昌之出鎮襄陽

也。克儉繕城池。備甲仗。儲糗糧。諸務畢舉。嗣昌深倚

續表忠言 卷之五
之時推官鄺曰廣署襄陽縣事李大覺遊擊黎民安文武協和各願捐軀報國曰廣字居節番禺人丁丑進士居官有節操與克儉臭味尤投同心捍禦亦甚悉先是獻忠就撫於熊文燦文燦膺總理重寄性貪鄙既不能御以威信又日夜責其寶賂無厭獻忠憤而叛文燦得罪死文燦嗣昌所薦也故嗣昌不得已自請督師不鑒前車仍以納降爲得策賊得免死牌莫肯歸農自擇便地連營數百里互爲唇齒而河南比歲大祲饑民就食襄漢者日以萬計莫可縱遣兩

人竊憂之克儉上書督師曰襄陽自古要區在本朝筭鑰獻陵視前代尤重近者西河饑民雲集新舊降丁雜處一夫叫呼皆足致亂況秦兵以長武之變西歸鄖房軍府初立降營碁布何啻放虎自衛可不懼乎嗣昌報曰昔高仁厚六日降賊百萬擒阡能可法也監軍何怯耶不聽未幾有開縣之敗旗纛軍符盡爲獻忠所得襄陽猶未知敗問也而嗣昌出師時凡軍資糧械咸頓於襄陽及用左良玉計大敗賊於瑪瑙山獻忠幾被擒倖逸去而獲其妻敖氏高氏并前

所執敖氏之兄及其養子惠二同禁襄陽獄叅將鄭嘉棟搜大溪坪又獲獻忠謀主潘獨鰲并繫獄中襄陽守年少儇薄悅敖氏高氏之豔每晚赴獄閱囚託以問賊中事笑語無紀獨鰲亦得乘間脫桎梏防守益疎嗣昌雖移文為戒守笑曰是詎能飛至耶漫不省獻忠既敗嗣昌輕騎一日夜奔三百里將抵襄陽先以二十八騎偽為官軍持所得軍符令箭日晡叩門曰督府調兵守者合符信啓關入處之承天寺夜半賊從中起承天寺火又燒襄府門烟焰漲天放機

橋納大眾獨鰲與敖氏高氏亦毀徃戶內外相應城立破克儉倉皇奔救襄府被賊執大罵不屈死曰廣奉檄核軍儲於荊州甫還任而難作亟登城率吏民捍禦身被五刃二矢妻譚妾李二子逢明逢泰二幼女俱死越七日家人鄺茂興於南門城上得其屍殮之大覺字寬之金谿人由鄉舉知穀城兼署襄陽縣事聞變繫印於肘縊死堂上民安亦金谿人城中火起率所部千餘人搏戰矢盡被縛抗罵死賊執襄王坐王於堂下進以卮酒曰王其勉飲此酒吾欲斬嗣

昌首而道遠不能猝至今借王之命使其無所逃死
王遂遇害嗣昌聞報亦惶恐自縊以連失二郡喪兩
親藩自知法所不貸也克儉已陞僉都御史巡撫河
南未聞命竟及於難乃張鄺諸人死襄陽守竟奪門
而逃守夏邑人時河南亦大亂久逮不至不知所終
趙吉士曰武陵取高仁厚六日降賊百萬自擬舉
趾高矣乃言甫脫口卽以身殉趙括之母曰兵凶
器也而括易言之何巾幗之不如耶
宋鑑曰嗣昌之自請督師原出于不得已其氣固
已餒矣而姑爲大言以張之賊豈口舌所能讐服
耶若襄陽一郡軍資咸聚於此猶人之血氣乃軀
命所關也嗣昌雖自刎于君父何濟于民生又何
濟哉然而帝終憐之抑又何哉

尚書周公傳

附死事官紳子衿 鹿邑知縣紀
茂勲署虞城縣主簿孔亮

明崇禎十五年八月闖賊破河南商丘縣在籍工部

尚書周士樸死之士樸號丹其由進士初知曲沃縣

治行有聞泰昌元年徵授禮科給事中疏陳勤問學

親郊廟恤宗藩正士風四事復陳敬天法祖崇儉恤

民納諫五事皆荷褒納士樸性剛果不屑委蛇隨俗

尤事事與中官相搯拄天啓元年詔選淨身男子中

官王添爵必入賄始收不與者多幾致激變士樸抗

疏劾之御史欽賞邊軍中官劉尚忠鼓陵軍挾賞竟

違例槩給士樸又極論之兩疏雖不行直聲大起逆
奄漸用事欲竊兵柄導帝演內操士樸抗言內操之
卒多非正身倘奸人混入其中蕭牆之憂甚大不聽
遼瀋繼陷五監軍皆望風先逃倚中官爲窟士樸疏
言若盡從寬典槩置不問設後封疆有警皆可委之
而去何以作天下忠義之氣乃命所司議處逆奄遣
其黨中官劉朝等四人假賚送軍器爲名出行山海
內外漸露觀兵之意士樸與同官周朝瑞咸專疏切
諫忠賢怒奪俸三月而劉朝等終不遣中官李實與

蘇撫周啓元互訐士樸言實侵撫按制有司虐機戶
嚴疏兩劾之中官以索冬衣聚工部堂上侮尚書鍾
羽正士樸言尚書者乃朝廷之大臣非中官可得而
侮也部堂者乃朝廷所建之堂非中官所得而毀也
侮大臣卽侮朝廷矣今羽正去志已決天下後世謂
中官逐一大臣而陛下不爲正法所傷國體匪小諸
疏皆觸忠賢怒考滿當擢京卿故持之不下士樸遂
謝病歸崇禎初起太常少卿五年歷陞至工部尚書
帝命中官張彝憲監戶工二部出納士樸恥與共事

彝憲又專恣於錢糧多所那移士樸請四司出入各存其庫他司不得擅那彝憲恚疏陳不便帝命部臣協同批發士樸言祖制批發者不收支收支者不批發所以杜漸而遠嫌也臣若一時苟且廢祖宗舊制千秋名義其謂之何如必欲臣協同亦須酌其地酌其人而後可其地則朝房不必庫也其人則科道司官不得僅同內臣也因引罪求罷帝雖以和衷慰留而心甚銜之既而以遂平長公主墳價不照例給發為駙馬都尉齊贊元所詆帝怒遂削其籍十五年廷

臣交薦終不召其年八月李自成陷商丘與妻曹氏妾張氏子舉人業熙子婦沈氏同日自縊商丘為歸德府附郭首邑科第人文最盛與其難者官則推官王世琇字崑良保定人丁丑進士已陞工部主事辦裝將行僚屬邀與同守慨然曰人臣義不辭難久官其地臨難而去之非義也遂與同知顏則孔經歷徐一元商丘知縣梁以樟教諭夏世英里居尚書周士樸等誓衆堅守賊攻圍七日夜有大紳之子舉人率家衆斬關出奔殺傷守者數十人衆亂賊乘之以入

世琇則孔並遇害則孔女聞之卽自縊一源分守北
城素饒膂力殺賊最多城陷猶率衆巷戰罵賊死以
樟中賊刃久而復甦妻張氏及子女僕從四十餘人
皆死世英見賊入持刀力鬪死於明倫堂上妻石氏
亦自刎紳衿則工部郎中張泌試主事朱國慶中書
侯忻廣西知府沈仔威縣知縣張儒舉人徐作霖吳
伯裔周士美等六人官生沈似侯駿等三人貢生吳
伯侑侯恒沈誠周士貴等八人國學生侯棕沈侗等
四人諸生張渭劉伯愚等一百十餘人作霖伯裔伯

侑渭伯愚皆邑中名士尤有聲則孔沂州人一源海
鹽人世英祥符人皆不屈死賊尋陷鹿邑知縣紀懋
勛死之又陷虞城署縣事主簿孔亮亦死焉皆歸德
府屬邑也。後咸邀贈卹

趙吉士曰天啓誤于中官思陵已監其弊矣未幾
而仍執國命公力杜其漸事事相撻拄無如思陵
之英察而終不一悟蓋以猜忌之心流爲膠固之
見諸奄遂得乘隙以中之亦思呂強張承業千古
幾人哉

商丘四忠合傳

闖賊圍商丘。舉人吳伯裔徐作霖。貢士吳伯引。諸生張渭。協謀設守。賊攻七晝夜乃破。四人者皆死之。伯裔字讓伯。弟伯引。字延仲。少食貧。父盲。臥病奉飲膳。滌廁禴迭趨而前。俱以孝謹稱。母舅曰孝廉劉格格。長者。饒於財。心憐伯裔貧。兒子畜之。稍長。爲娶儒家女程氏。推與財千金。令其專意習舉子業。伯裔姿英。上性復伉俠。負大志。藉其資。得與四方賢豪交。伯引少。其兄八歲。美鬚眉。善八法。亦好讀書。與裔等兄弟。

自爲師友名日起郡有富人劉瀚格之族父也時聞
格言二子當富貴心竊喜乃以女孫妻伯引而割其
產之半贈之兄弟更得結客通聲氣自中州直走江
淮吳越間引妻亦賢時出資財佐其贈答而力勸引
績學立名邑有孝廉徐作霖子衿張渭皆名下士故
與吳氏兄弟善由此深相締課藝外恒以節義互相
砥兩人時過裔引家父聞其笑語輒色喜以子所與
交皆勝流也他有聲采若侯方域賈開宗輩咸洽水
乳焉引早舉明經而裔則淹蹇至崇禎丙子乃列賢

書其所交徐作霖者先於崇禎庚午受知於南昌萬
日吉領省解額好古深沉一藝出輒驚其魁舊與伯
裔連鑣上春官傾動長安道獨張渭潦倒諸生中渭
貌奇野鬚句繞其面句髮句麤麤句少年時戲騎劣
馬馬人立句墮句左臂折句蹠曲句似鮑老句短舌
句無正音醉後談天下事句滾滾句恒以屈其戔冠
攝上座者爲文開敏日可得十數藝若刻意淘汰者
渭實信手拈來也慕徐渭之爲人因名渭自呼狂士
人亦狂之又使酒難近獨推作霖亦與伯裔伯引厚

齋引既樂與渭遊而作霖亦謂渭乃古之狂也崇禎
甲戌作霖計偕五策言今天下劇賊虐秦蜀蹂楚豫
百姓播遷極矣不可不及時先收拾人心若崇尚礮
刻密文網恐天下怨禍且燎原主司傳冠已錄其七
藝見所陳時務取示文震孟共嗟嘆署上卷而烏程
惡其切直不收伯齋亦報罷伯引執一經迄不第作
霖猶然稱鄉進士而渭爲諸生且摧挫老矣歲試渭
卷在平列自袖其文爭之學使者潘曾紘取熟視曰
子文誠善吾失子高拔之後一年他學使又毀其卷

復爭之使者怒黜渭郡之縉紳咸言渭實名士乃復
其故時流賊大起蹂躪中州勢必及商丘新令梁以
樟順天人鄖撫夢澤子也字公廸領京兆解額成進
士抵任未久心憂賊縣故無兵聞四人者能文章又
慷慨肯任事乃折節下四人者與之謀聯絡紳衿集
鄉勇繕雉堞爲守禦計惟渭知天下已亂又自傷年
踰壯功名無所就句醉句恒罵座或箕踞哭句座上
客益以渭爲狂竊笑之作霖忽起叱曰若皆乳臭兒
徒肥腸滿腦作芻靈相何知大計吾輩且旦暮莫保

而反笑渭爲狂何哉句舉座酒皆醒齋引亦在聞作
霖言泣數行下時方修春社於伯齋家皆慘阻不樂
句罷句不旬日賊已臨城城上雖設守皆市人句持
竿木句遠望塵起輒股慄賊於所過地方率先輸款
者不焚殺守一二日者殺十三四或五六日不下則
必屠其城無噍類以此衆無固志賊四面攀堞入伯
齋伯引作霖皆死賊退求三人死所卒不可得張渭
當城破時賊以刀砍其頤張且斷矣猶右手灑其髯
之血而以折臂手承其頤聲已澁口猶喃喃罵不止

又一賊從後來復斫其頸乃仆而齋引之父兩目皆
盲者年已七十餘顧獨存伯齋婦程氏匿積薪下亦
倖脫賊去後程氏使人僞爲齋引狀立父前父手摩
之喜旣乃審其非是坐土坑上拊膺而呼曰兩兒皆
安往乎老人安歸乎哭大號而無淚不絕聲三日亦
死程氏乞木爲棺手封樹焉賈開宗曰有孔尚達者
齋之同年生也見伯齋死時以目視尚達色不撓程
山人云城破賊疑伯引爲官繫而牽之伯引抗言曰
奴乃以我爲官我雖非官豈肯從奴作賊耶二賊疾

驅之去莫知所終金陵錄死事者贈作霖祠部郎伯
喬等俱邀卹典

趙吉士曰士之老死牖下者多矣其姓名何沒沒也
也三子死雖不知其所不已聲施至今哉張渭自
比青藤徐以狂死而張以兵死爲尤烈矣

大梁客阮先生傳

附尉氏令暢一鵬

先生諱漢聞字太冲京師人也初客汴梁落落不可
人意人亦無可漢聞意者第見其嶽嶽亭亭類有道
者不敢呼其字共呼爲阮先生時王孫西亭好客聞

其名延而館之邸中西亭門下凡能文善書騎射擊
劍彈琴蹴鞠之流無不畢集西亭視之沉沉耳獨於

漢聞有加禮亦呼爲阮先生西亭架上多內府秘書

人間不恒有漢聞日沉酣其中學益博大梁城中若

王惟儉

汝張民表

林宗皆饒才筆爲詩古文名走四方

胥折節漢聞日同唱和亦共呼爲阮先生當是時阮先生之名幾傾天中西亭歿漢聞哭之慟曰吾不能頻以涕淚濕西州門也乃徙尉氏閉門著述尉氏學者聞阮先生來大喜爭執經問奇願爲阮先生門弟子先生家故貧門下集者益衆飯糲茹蔬皆與門弟子共之遇風日晴好出遊山水間門弟子競肩籃輿以從賦詩論道恬如也漢聞雖儒者少年時又喜習兵家之學著尉繚子解詰戎踐墨諸篇萬曆間出師援朝鮮敗於碧蹄館漢聞方弱冠跗注度遼北望黃

龍東馳鴨綠從廢將老卒牧圉喚人訪問全遼形勢慨然有澄清志會東方解嚴挾策而返崇禎初徵遺逸巡按御史李日宣上其名卒不起流寇擾鞏洛漢聞料賊情形并山川阨塞圖上當事多效見援勦諸帥驕蹇不肯辦賊乃取古來婦女以勇武見者集爲一編名女雲臺以媿之後賊攻尉氏必欲致漢聞時已臥病據牀猶畫地指陳方略城破爲賊所得大罵而死年七十矣今大梁與尉氏學者猶追頌阮先生而尉令暢一鵬亦罵賊不屈死一鵬字圖南山西河

津人舉人惠民愛士涖任甫數月政聲四起賊至堅
守力不支乃陷死後民競哭之

盧宜曰唐人詩云曾爲大梁客不負信陵恩竊怪
信陵何以得此於客也及觀西亭好客而客競歸
之嗚呼何況信陵哉

傅忠壯公傳

其在易曰王臣蹇蹇匪躬之故其在傳曰濟則君之
靈也不濟則以死繼之其秦督傅宗龍之謂與宗龍

號括蒼雲南昆明人由進士初任巴縣負能名入爲
御史視浙江鹽政却羨金四萬兩秦昌晏駕抗疏請
誅內侍崔文昇以正用藥之悞再按貴州監貴撫王
三善軍王被苗黨陳其愚所殺力擒正法以征安逆
功加太僕卿繼而撫畿一年總督薊遼二年轉戶部
侍郎建言忤旨革職十一年流賊逼成都起爲四川

巡撫一年尋加兵部侍郎宗龍在行間久諳練形勢
競以老將目之十二年八月以才望繼楊嗣昌爲兵
部尚書初見上諄諄以民窮財盡爲言上是之宗龍
指天畫地言愈力上不悅十二月洪撫承疇請用劉
肇基爲團練總兵總監高起潛又揭其恇怯下部議
不卽覆上怒其抗藐責回話以戲視封疆下獄在獄
閱兩載十四年寇患亟宗龍年老矣上素識其忠誠
且以夙負用之必盡死力釋之出獄以兵部侍郎督
陝兵討賊令其專辦自成卽秦軍在豫者李國奇賀

人龍二將隸焉又命保定總督楊文岳率總兵虎大
威一軍與之合九月初四日次新蔡縛浮橋渡河趨
項城兩軍畢渡走龍口自成亦過河將窺汝寧適相
值覘官兵且至伏精銳林莽間陽驅諸賊西渡謀者
還報賊渡河趨汝寧矣宗龍與文岳兩軍並進次孟
庄諸將弛鞍解甲散行村落間求芻牧伏兵猝起人
龍倉猝棄軍走國奇勢不敵與虎大威亦奔兩督僅
以標下親兵與賊相持二更保兵北隊走有副將挾
文岳上馬馳去宗龍慷慨語其麾下曰宗龍年老矣

今日陷賊中。當與諸軍併志。決命爲萬死。一生計。不能效他人。捲甲走也。乃召裨校李本實等。穿塹結壘。誓必死。自成見秦兵無救於圍外。穿兩濠。困之。十一日。我兵糧盡。殺馬十五日。馬騾亦盡。營中火器弓矢俱盡。十六日。二更潛突賊營。潰圍出師。大潰。宗龍徒步且戰。且走。次日未至項城八里。被執。賊詭稱傅家將擁之趨項。至城下。賊呼啓門。宗龍大聲曰。此賊也。身是傅督師。不幸落賊手。城上速用礮擊。毋顧我。墮狡計。賊揮刃中其腦。而仆。復大罵。賊抉其兩目。劓鼻。礮聲起。賊棄之去。家人負入城。項人殮之。天吉寺祭而哭之。後贈宮保諡忠壯。予世廕人。龍逃歸陝西。密旨令孫傅庭斬之。

趙吉士曰。將必與兵習。而後能如身之使臂。臂之使指。豈以兩載犴狴之人。一旦率不教之兵。而勦方張之寇。其敗也固可翹足而待也。何盈廷憤憤卒。無人爲帝言之。用人不得其當。而徒嘆討賊無人。噫。豈果無人哉。

秦督汪公傳

附襄城知縣曹思正典史趙鳳牙訓導張信

秦督傅宗龍爲流賊李自成所殺。秦撫汪喬年代之。亦抗節而死於襄城。喬年號歲星浙江遂安人由進士任刑工二曹出守青州歷登萊道督學三秦爲政勤敏而惡衣菲食刻苦自勵不攜家室隨行止二僕悉屏所屬供帳清絕一塵凡讞決鈎會暨試生儒皆出手裁無入幕賓案上亦無留牘知青州時節解費杜羨餘著爲令甲行廊置竈十餘所備薪水雨造自炊待鞠是非立判又不取饋餼吏胥不敢索民一錢

有○汪○不○解○擔○之○謠○以○其○聽○受○明○允○投○詞○牒○者○不○須○信○
宿○卽○歸○也○旱○禱○泰○山○雨○隨○馬○首○觀○軍○大○璫○體○伴○督○撫○
府○縣○俱○執○手○板○庭○叅○獨○與○抗○禮○璫○稔○知○清○操○不○之○忤○
也○校○士○必○焚○香○告○天○誓○無○所○私○故○所○拔○俱○一○時○寒○士○
後○井○姓○者○繼○之○時○人○語○曰○有○學○莫○忙○須○待○汪○有○錢○莫○
省○須○待○井○兒○童○亦○傳○頌○焉○又○負○才○武○膂○力○絕○人○念○四○
方○多○故○常○休○沐○里○居○輒○馳○騎○習○弓○刀○擊○刺○寢○處○風○露○
中○不○自○暇○逸○十○四○年○四○月○奉○命○撫○秦○謀○報○自○成○將○叩○
關○西○入○急○跨○馬○傳○箭○疾○驅○至○商○洛○部○署○粗○定○而○總○督○

傅○宗○龍○亦○至○感○賊○勢○狍○猖○與○宗○龍○握○手○歛○獻○而○別○且○
曰○公○破○賊○歸○秦○喬○年○且○執○露○布○爲○公○前○驅○也○未○幾○宗○
龍○計○至○仰○天○嘆○曰○傅○公○死○討○賊○無○人○矣○繼○聞○總○督○之○
命○方○簡○兵○儲○糧○未○集○而○兵○部○催○出○關○檄○踵○至○曰○兵○疲○
糧○乏○而○當○方○張○之○寇○我○自○知○以○肉○餒○猛○虎○然○不○容○不○
出○以○持○中○原○心○次○郊○縣○誓○師○襄○城○諸○生○李○永○祺○率○父○
老○迎○官○軍○入○城○自○成○方○破○葉○縣○殺○劉○國○能○而○圍○左○良○
玉○於○偃○城○國○能○之○守○葉○也○力○戰○不○能○支○城○陷○自○成○殺○
其○令○張○我○翼○念○國○能○幼○同○里○習○嬉○戲○稍○長○同○學○拳○武○

頗厚善又同起草澤有意欲生之乃好語國能曰若我故人也何不服國能唾而罵曰我初與若同反今則王臣也奈何從賊遂遇害良玉過臨穎殺偽官自成怒盡銳來攻良玉避入偃城圍方急聞喬年出關釋偃城逆之喬年初奉密旨發自成祖父塚米脂令邊大受河間靜海縣舉人健令也訶得縣役孫姓者實自成族屬酷拷之乃曰墓去縣二百里在萬山中聚而葬者十六塚中則始祖也相傳穴爲仙人所定有鐵燈檠燄火壙中曰鐵燈不滅李氏當興如其言

跡而發之中一塚得螻蟻數石火光尚熒熒然剖其棺骨青黑色毛被體而黃腦後一穴如錢大中盤赤蛇長三四寸有角見日而飛高丈許以口迎日色而吞咋者六七反而仍伏乃剖臚骨并蛇腊之以獻而焚其餘骨爲灰雜以穢棄之自成恒嚙齒飲恨及聞出師憤踊曰此發我祖塚者亟圖之喬年背襄城而舍交餒一軍盡覆斂餘卒入保襄城襄城先爲賊破未及修誓以死守登埤坐矢石間殺賊數百人賊憤甚攻益急左右泣曰衆寡不敵城必旦夕破盍自爲

計奮拳折其一齒曰此吾死所也五日而城陷猶率副將張一貴黨威等巷戰手刃三賊被創自刎不殊執至韓家庄罵不絕口賊割其耳鼻磔屍而去居民感其忠潛瘞庄後知縣曹思正持刀與賊鬪被賊殺死訓導張信罵賊遇害賊退改殮喬年遣官護襯乘傳歸里勅建忠烈祠於襄城春秋祀之至今不絕同死者西安同知孫兆祿鹽山人材官李可從整屋人襄城典史趙鳳牙守將李萬慶卽降將射塌天副將張國欽張一貴中軍黨威神木人常與趙大引等擊

賊於西雒峪擒賊首竇阿婆者也自成恨李永祺因剿別襄城諸生一百九十餘人永祺卒不獲屠其宗襯歸途中數遇賊從吏謂曰此死節清官陝西總督都御史汪公樞也若輩欲屍祝之請留不然橐中無物可取也皆愕然羅拜去喬年前去青時青人塑其像與范文正同祠以所撰訓民書供案上民有呼籲立應庭中一槁木相傳郡有大慶則榮崇祀之歲忽垂實纍纍遠近神之後同邑余國禎計偕過山東執鞭卒訊及鄉貫輒訝曰公里有汪公者爲吾青州太

守其公子遘疾吾青士民登泰山代為祈禳者以千計今無恙乎曰死矣卒拊膺泣下其得民如此嗚呼喬年竟無子

毛際可汪總制逸事狀曰當世所稱家乘墓表事多溢美失實今公死已數十年遺行罕所紀述而余所習聞則多得之老儒退校及行道素不謀面之人可以知公之大略矣趙吉士曰自成祖塚發後卽矢着其目舉大事無成雖天奪其魄豈非公之功哉而傅督之甘以身殉不效他人捲甲走何烈烈也劉國能李萬慶幡然歸正之死靡他洵足歆俎豆而無愧矣

太守顏公傳

附叅議趙珽同知姚汝明知縣陳三接給事周而淳守備趙時肱

夫子有六十五代孫孕紹以河間太守櫻城著節

云孕紹號賡明世居曲阜少孤力學舉崇禎辛未進士初知鳳陽邑故凋敝孕紹加意撫綏期年而頌聲起以能治劇調江都已而內召將入都適上遣宦者

楊顯名監漕政令監司以下行屬禮諸長吏議未決孕紹厲聲曰何議為寧失官毋失身議則終須屈膝耳卽治裝入都累試當改詞林先是考選優者為臺諫次部曹再次則府同知時新有詞林之命奔競益

甚其品題高下皆同鄉臺諫主之淮安武舉陳啓新
落魄長安無聊甚謬作大言與襯上封事驟得給事
吏垣孕紹深鄙之啓新投刺故久不報謁啓新怒具
同鄉預擬翰林之疏帝令指實以孕紹及涇縣知縣
尹民興歸善知縣陸自嶽對帝怒謫三人于外孕紹
得經歷尋知邯鄲縣

大兵入關畿輔震動邯鄲值其衝城甚庫薄勢且旦
夕下人皆爲之寒心孕紹甫聞命疾趨就譙門到任
卽日部署守禦又募得勇士千人擇邑人張執塘統

之執塘故列校頗知兵勉以大義皆踴躍思奮開公
帑給軍守者難之孕紹曰此城失守皆非我有也竟
出千金犒士夜有兩生以索繫城堞將縋而遁邏得
之諸生多爲丐免孕紹曰吾方治軍當行軍法卽拔
所佩刀斬二人頭以殉人心益固越三日兵至孕紹
與執塘悉力捍禦留攻三日不下解而去時臨洛關
沙河城皆破村堡被焚劫執塘獲數人比至縣則瞋
目箕踞曰吾高總監部兵也孕紹曰吾治焚劫吾民
者鞭之數百太監高起潛聞之怒適部將侯拱極敗

續起潛遂奏孕紹阻撓冀卸罪而歸獄於孕紹上震怒逮問百姓羣聚訟寃撫按力爲調劑始從薄罰鑄三級守城功竟不敘執瑋被笞辱幾死將告歸而真定西山盜起方受命遷真定府同知往捕之賊曰聞顏邯鄲且至今安在孕紹自指曰邯鄲至矣賊投戈下馬羅拜曰我曹恨不生爲邯鄲民公至必能活我相率乞降數日悉平冢子伯璟家居夜夢一人僵臥肢體糜爛不可識一人指曰此太守也及覺聞除書知河間府馳書極言不可往而已抵治所正色曰兒

輩欲我爲自全計其如君命何視事如故壬午閏十

一月

大兵再入關攻城亟與叅議趙珽同知姚汝明知縣陳三接等協力固守援軍皆逗留不進知旦夕城必破預集一家老幼于室中而積薪繞其外身往城上策守禦外以雲梯攻城將縱火焚之而風反樓堞燬城上人皆奔竄孕紹見勢不可支歸署命舉火火烈衣冠北向再拜遂自躍入與家人同死珽慈谿人崇禎元年進士歷知南安侯官二縣屢遷河間兵備僉

事廉靜不擾一家十有四人悉被難汝明夏縣人天
啓元年舉于鄉知蠡縣事寬徭賑飢施楛掩骼民歌
頌之後官河間與孕紹同殉妾任氏亦死三接文水
人崇禎癸酉舉人知河間縣事善決疑獄妻武氏有
賢行封疆多故三接遣之歸答曰夫死忠妻死節分
也我安忍去及三接巷戰死武氏亦殉珽贈太僕寺
卿孕紹光祿寺卿汝明三接並按察司僉事有周而
淳者掖縣人初拜兵科給事中卽與同官六人分督
畿輔諸郡城守事而淳甫至河間城卽被圍竟與諸
臣同死贈太常少卿居庸路石峽谷守備趙時肱力
戰陣亡戲下感其恩信求得其屍葬之延慶衛哥孫
遂入籍守其墓時肱貌奇偉饒膂力每戰必大呼單
騎直入以此見殺人咸惜之

盧宜曰宜聞之林蠶菴先生云公生一子六孫皆
不與難三孫俱貴顯公之忠節益行遠而有耀趙
守府繼子亦復繁衍嗚呼天之報忠臣者厚矣

鍾祥令蕭公傳

附楚撫宋一鶴總兵錢中選等

承天者故安陸府附郭曰鍾祥縣。明之興獻王陵寢在焉。其地之重與鳳泗等。令則南豐蕭漢也。漢字象石。丁丑進士。除知縣事。鋤惡詰奸。不徇請託。值寇氛熾。增城堞。建關廂。儲軍食。政務修舉。已歷五載。奉文將入覲。聞闖賊破襄陽。自誓曰。士見危授命。豈容委而去之。遂以護陵保土。請於督撫。免行崇禎壬午十月。二月賊逼境。時汴梁新破。所摧陷皆藩封重地。勢張甚。二十八日攻獻陵。陵軍柵木為城。賊積薪燒之。木

城穿有欽天監博士楊永裕者投賊自詡有異術能
佐自成取天下勸賊發獻王梓宮比發大聲起山谷
如雷自成懼而止除夕攻承天人洶洶無固志漢奮
臂大言曰此正鍾祥令蕭漢効死日也入署拜辭家
廟出絹悅付諸媵曰男忠女烈城破時各宜自盡吾
不能庇城中百萬生靈尚能庇此三十二口并兩雛
乎授甲登陴越六日賊薄內城相持五晝夜矢石俱
竭漢向北泣拜曰臣力竭矣急衝圍奔陵曰吾以死
衛獻皇帝也賊亦踵至挺身大呼鍾祥知縣在此不

得擅驚陵寢賊卒挾之前漢引頸就刃賊曰砍首應

云卽砍賊曰剝皮應云卽剝時楚撫宋一鶴宛平人

巡按御史李振聲米脂人副使張鳳翥宿松人總兵

錢中選留守都司沈壽崇宣城人承天知府王璣扶風人

人並以不屈遇害賊以漢賢而得民欲降之遣偽官

元珪說之百端以管夷吾劉青田為言漢叱之曰管

仲不死以有母在我則白雲望斷惟知向日青田識

真人起從龍淮右賊則草頭鼠竊撲滅旋踵死卽死

耳何喋喋為終不可奪賊批片紙令亂箭射死漢袒

胸以受。乃幽之吉祥寺。至則羅列美饌。小賊一人主之。漢大罵不食。求死轉急。覓死具不得。偶於僧榻得剃刀藏之。因取敝紙書椒山浩氣還太虛詩。復書鍾祥縣令蕭漢願死此寺於壁。隨對壁自刎。血橫濺字淋漓滿壁。時癸未正月上元日也。自成歎息治襯葬之。寺傍後贈大理寺丞璣。由戶部郎中來任。已擢鳳陽兵備副使。未行而與其難。振聲初授郟城知縣。禦寇有功。擢御史。出巡湖北。被執。自成以同姓同邑。稱之爲兄。且贈以金幣。振聲不爲屈。賊數置酒邀飲。醉

卽厲詞詆斥。賊乃移之襄陽。令部將劉體仁伺察之。及孫傅庭出關討賊。賊復移之裕州。有言振聲通書傅庭者。賊怒遣其將谷永殺之南門外。時九月二十九日也。先是振聲被執。有傳其降賊者。朝野共詆之。後賊入山西。榜列受職者姓名。以誑遠近。故相賀逢聖與振聲皆與焉。二人實未受職也。又有鍾祥人從所向者。舉于鄉。由玉山知縣。歷刑部主事。性恬靜。解職歸。以文史自娛。與子士默亦皆不屈死。

趙吉士曰。以自成之猜忍。而獨於蕭公。乃百計誘降。終不忍殺。迨公自盡。復治襯葬之。此必有深服。

其心者不然何以敬而禮之若此耶

河撫王公傳

附叅將陳治邦遊擊連光耀父子
遊擊馬魁義僕劉璽張金

○叛將劉超刺殺河南巡撫都御史王漢漢初名應駿

字子房掖縣人崇禎丁丑進士授高平知縣調繁河

內設法賑荒全活甚衆間則募民修城隍練壯士屹

然一方保障巨寇劉二將攻濟源濟源告急於漢

不、應、除、夕、出、賊、不、意、赴、之、元、旦、登、天、壇、山、山、陡、絕、賊

所、巢、也、漢、持、刀、直、上、健、兒、繼、之、二、遂、就、擒、又、乘、大、雪

破、妖、僧、智、善、再、破、賊、楊、六、郎、俱、以、奇、險、奏、功、李、自、成

攻、汴、急、外、援、不、前、漢、率、親、兵、至、金、龍、口、柳、林、諸、處、以

大礮火炬爲疑兵遣死士入賊中聲言宣大各鎮援兵至賊所畏者邊兵而汴之城守亦固乃解圍去當是時漢威名動河北其用兵也長於用間不惜重賞購之得當又賚予無算故皆樂爲之死凡先後破賊皆縱間諜入賊中賊中舉動無不預知者當賊圍汴時飛鳥俱絕漢之死士能達書於巡撫高名衡又盡得闖曹諸賊虛實以報漢一縣令耳而出奇制勝雖老將久歷行間亦自以爲不及也故都下稱知兵者必曰王子房十五年二月行取入京召對便殿陳撫

勦大略當上意拜御史監左良玉軍與督臣侯恂援汴兵部發援勦兵大半皆空籍餘悉市上菜傭漢歎曰以此兵遇賊直發蒙振落耳乃請自立標兵千人騎二百皆選鋒也八月朔夜半襲賊范家灘斬一紅甲賊首乃以此千人者令一裨將督之隸於大軍漢自走襄陽督左兵救汴而巡方之命下先是漢有密疏言良玉兵事甚悉上留中不發第臨朝時每向輔臣太息謂河南巡撫安得如王漢者政府乃改漢按豫而汴城已陷督諸將自柳園渡河入汴追餘賊於

朱仙鎮連戰皆捷擢撫河南時各營缺餉兵易譁主者乃聽其搜牢而食民益窮皆去而爲盜盜日多漢深念久矣會萊蕪諸生李欝生以屯田策干軍門漢感憤時事謂勦流賊全恃邊兵而寧兵盡謀他部多逃邊兵全無可恃夫國家養兵不爲不厚而平日糜餉則有兵沿途淫掠則有兵及至大敵當前則無兵夫兵之謀諫非一人亦非一日其將領非不知之特以一渡大河身犯不測盼兵之謀惟恐不速然則將領之誅旣不可追而逃兵所過許地方官得勒兵捕

斬回籍者飭有司緝獲重處俾其無所於歸庶在伍不致生心且欲大興屯田聚民而散賊卽因兵爲屯勦賊而護民區畫未伸而叛將劉超之難作劉超者山西人父爲永城估家焉兩中河南武舉第一與巢縣人劉澤清俱以徧裨從貴撫王三善征安邦彥於大方先敗之龍里追至六廣河超功爲多屢陞至遵義總兵官猶以功高賞薄忽上書陳功簿語多鞅鞅朝議以其怨望勒歸永城會河北土寇大起李自成攻開封募救者超應詔自招土寇六千殺賊乃起超

保定總兵同縣御史魏景琦素輕超超偶與之忤景琦詆超通賊超怒訴之舉人喬明楷生員王奇珍又復誚之超遂殺三家百餘口據城以叛漢疏請討之奉密旨以策授漢乃爲本兵所洩超得爲備十六年正月十九日率兵抵永城聲言招撫二十日邑紳練國事丁魁楚開北門納漢軍漢坐城頭發免死票超死黨猝發遂遇害叅將陳治邦遊擊連光耀父子及家人劉壘張金皆戰死遊擊馬魁冒死入城負屍以出棺殮於夏邑河南北士民皆失聲哭上聞嗟悼予

優卹超又勒練國事令草公疏訟言漢激變非超本意上燭其詐令鳳撫馬士英太監盧九德總兵陳永福討之且檄諸道兵悉會超始懼就士英乞撫士英邀超出見超長揖猶帶刀士英下與揖手脫其刀曰旣歸朝廷何用是也遂執超并弟越磔於京師傳首九邊超有才辯少就文試以寄籍不許乃試武及見討貽書士英曰文臣膠結成勢錮不可拔然而爲守令則驅民反爲督撫則驅兵反爲臺省則驅將反夫超非侗愚豈願棄功名捐頂踵冒不諱之聲蹈汗敗

之行爲天下笑哉勢激之使然也其言亦切中時弊云

盧宜曰討逆大事也密旨機要也而本兵已預洩之嗚呼思陵之朝政竟如此耶公雅號知兵而卒死於兵要未可以成敗論也

蔡忠烈公傳

附太守周二南舉人馮一第義僕凌國俊舉人唐德明等

明時一省黜陟之權操於巡按列郡賢否之任繫於節推故事巡按未蒞任屬吏皆不得叅迎惟節推咸

候於界上入境例有舉劾耳目不得周知亦惟節推是問故大吏咸加優禮溢常格而居是官者大抵由進士初任以威福自睢凡守土之責率委而去之而長沙蔡忠烈道憲則不然道憲字元白號江門晉江人崇禎丁丑進士年甫二十餘佐郡明刑務持大體吏民愛之長沙地多盜察豪民與盜通者推心任之

一日盜方分所劫財物收者已至愕然不知所自有
羣盜閉戶謀行劫謀成啓戶收者已坐其闕爭散去
吏民驚以爲神長沙爲吉府封地宗人多放恣民有
腴產輒誣爲藩庄割沒之宅舍佳者夜朱其戶迫使
徙去得賄乃免無賴細民相率爲校尉橫行閭閻有
司逮治必請之王王多不發民寃莫雪道憲獨先治
而後啓王王怒責之抗聲曰民天子之民亦王之民
方今四海鼎沸盜賊日滋王不思保愛其民一旦挺
而走險王能獨與此曹保富貴乎王悟謝遣之自是

奸民斂手十六年五月獻賊陷武昌承天巡撫黃祥
基奔長沙道憲請王屯岳謂岳與長沙唇齒也併力
守岳則長沙可保而衡永亦無虞曰岳非我屬也道
憲曰棄北守南猶不失爲楚地若南北俱棄將何辭
以謝皇上乎黃語塞乃赴岳州及賊入蒲圻卽揚帆
遁去人益洶洶無固志湖廣巡撫黃如魁遠任袁州
憚賊不敢進道憲亦請移岳州卽以告祥基者告如
魁不得已駐岳數日卽徙長沙道憲曰賊去岳尚遠
正可繕岳固守賊來犯岳猶憚長沙來援若棄岳不

守長沙能獨全哉。不從。署中有友三人。道憲令其速歸。酌酒與別。友曰。何以報君家。曰。某義不顧家矣。友曰。君未有子曰。兄子卽吾子也。友曰。如君母何。道憲忽仆地。久乃蘇。南向拜。痛哭。援筆作書。曰。事若可爲。宗社之靈。老母之福也。又與其兄書。曰。老母在家。兄善事之。弟惟與此城俱存亡矣。書畢。吟文信國詩。曰。我死誰當收我骸。友與家人俱哭。亟揮三人出城。八月。賊陷岳州。逼長沙。先是。巡按御史劉熙祚委道憲募兵。得五千人。曾經訓練。可用。至是。道憲親將之。與

總兵官尹先民等扼守羅塘河。如魁聞賊逼。怯甚。急令道憲等還守長沙。道憲曰。去長沙六十里有烏道。可柵以守。毋使賊得踰。此亦不從。及賊臨城。如魁詭言。出戰。遽率所部遁走。惠王先以避難去。荊州走依吉邸。兩王相見。日憂賊。顧不知修備。道憲又勸王捐貲守烏道。請之甚力。王亦不應。惟堞其宮垣。環柝自衛。事急。將謀出奔。會偏沅巡撫李乾德。總兵孔希賢自岳州敗回。遂與熙祚奉二王走衡州。時知府堵引錫入覲。未返。通判周二南往攝攸縣事。城中文武寥

參士民盡竄道憲與舉人馮一第竭力捍禦常有詩
曰湘中司理濕青衫半日齋居十日馬其盡瘁如此
未幾賊傅城下呼道憲趣之降曰吾軍中知爾名毋
自苦道憲手注弩射之會鎮守總兵尹先民降賊八
月二十五日城遂陷道憲坐署中爲賊所執再四誘
降○不○屈○置○小○樓○中○凡○二○十○四○日○令○降○將○尹○先○民○說○之
道○憲○以○足○踢○其○齒○流○血○罵○不○絕○口○賊○大○怒○寸○磔○之○頭○
顛○已○斷○兩○瞳○子○炯○炯○不○瞑○賊○咸○駭○愕○死○時○年○纔○二○十
有九當被執時有僕凌國俊隨侍不去賊初勸道憲

降國俊曰如吾主可降早去矣不至今日賊曰爾不
降亦不得生國俊曰如我輩願生亦去矣不至今日
賊併殺之而心服道憲并義國俊瘞之南郊醴陵坡
下金陵贈太僕卿諡忠烈立祠西門內賈太傅故里
雙忠廟側以殉主義僕凌國俊配迄今祠中香火甚
盛歲時奠其墓者不絕先是道憲蒞任之明日夢宋
時長沙守李芾來謁心異之及殉難乃知忠孝之性
通於幽冥云一第字根公天啓丁卯舉人夙負才名
爲長沙之望與道憲集士民矢誓堅守願捐軀報國

城破一第走湘鄉將乞師圖賊偽守聞之執其母兄一第不忍母兄被戮遽趨歸就縛將斬之一老僧伏地哭祈請甚哀賊乃斷其兩手一夕死而母兄竟得免二南字汝爲雲南人由選貢爲長沙通判盡心修職與道憲深相得道憲死二南力請于上官乃獲題卹優予贈諡後擢守岳州士民固留卽以新銜守長沙迄亦死於王事全時唐德明永州東安舉人未仕遇城陷賊所置僞官索之急仰藥死謝如珂衡州耒陽諸生賊來犯如珂集鄉人拒敵力戰死張論永州

邠陽舉人方介寡合恒扃戶下帷不入城市寇亂避地深山築土室以居親故罕見其面竟卒於土室中

盧宜曰宜過長沙問屈大夫所沉汨羅江無能指其處者儀舟入城求賈太傅故里石碣穹然後人卽其地建雙忠廟與屈大夫並祀庭前一方井泉湧不竭尚以賈公名宜憑弔久之循廟而左不數武卽蔡公祠甚修潔登堂肅揖公神主旁一龕并祀凌僕懸有一額記公死節事甚烈第野乘載公死在十一月且引謝獻庵之言爲証顧長沙之破實在八月廿五日九月賊已破寶慶宜里中李公振珽爲太守不屈死乃知八月廿五日破長沙而蔡公之死則在九月云宜揖公祠下口占一絕屈賈星沙廟高舉孰與同一腔孤憤血獨許傍雙忠時戊辰冬仲也

太守李公傳

附弟庠生振珽

四○明○以○內○臣○死○闖○賊○之○難○者○為○御○史○陳○良○謨○以○外○臣○
死○獻○賊○之○難○者○為○太○守○李○振○珽○而○李○竟○招○魂○以○葬○為○
尤○酷○云○振○珽○字○詔○枋○號○縝○持○世○為○邑○中○鼎○族○振○珽○少○
負○時○名○善○書○法○精○於○易○學○入○南○雍○讀○書○烏○龍○潭○諸○名○
士○舉○社○課○有○瀛○州○之○目○振○珽○與○焉○戊○午○雍○中○科○試○白○
日○間○恍○惚○火○光○四○起○主○司○以○必○有○大○物○卽○宿○館○舍○閱○
卷○取○高○等○二○十○人○皆○先○後○成○鼎○元○冠○鄉○會○振○珽○名○列○
第○七○卽○於○是○科○中○式○屢○試○春○官○不○售○謁○選○得○保○安○知○

州臨邊徼烽烟時警至則征繕固圉亦適有天幸
終其任亭障咸保無虞入爲工部郎出知寶慶府時
壬午之七月也岷藩建國武崗州治係寶慶所轄素
不和於民奸人因之生亂王遇害振珽集義勇與知
州譚文祐分道勦之渠魁授首沅撫方上其功獻賊
已陷長沙矣初闖獻同起於陝而闖尤猖獗獻附闖
爲聲援勢恒合及自成誘殺其黨羅汝才併其衆獻
忠懼乘自成擾亂中州遂折而入於湖南郡邑兵備
單弱猝聞賊至皆望風瓦解八月長沙破直馳衡州

餘黨長驅入寶慶振珽涖任甫暮值武崗用兵後倉
卒登陴勢不支賊緣城上左右欲掖之下振珽曰此
吾死所也賊執脇降不屈乃縛送衡州獻賊逼使跪
罵曰吾天朝守臣頭可斷膝不可屈何不速殺我時
通判何三近同被執賊屢勸降振珽大聲呼何曰身
死○事○小○我○輩○讀○聖○賢○書○不○可○貽○臭○名○於○子○孫○何○曰○固
也○吾○侍○公○長○遊○地○下○耳○縛○投○衡○江○竟○無○收○二○人○屍○者
弟振珽庠生從兄在任亦死於賊屍不可得長子志
伊仲子志傳以衮衣招魂而歸倣陳恭愍故事設位

明倫堂而哭具衣冠加槨而葬之南京隨破亦竟未
蒙卹典

盧宜曰昔宜里中張毅齋瑋以刑曹死土木之難亦招魂以葬晉江王道思諱慎中表其墓正與公同今同祀鄉賢公之姓名雖海枯石爛同垂不朽矣然明英宗實錄載扈從死事之臣已遺毅齋之名而近時編年亦無記公與何判姓名者身居後學可不亟為表彰也耶

劉氏三忠合傳

附道州守備沈至緒至緒婿賈萬策女雲英

於今毘陵人猶稱劉氏三忠云長熙祚字仲緝次永

祚字叔遠季綿祚字季延祖純仁以進士官司李有

聲績三人幼卽刻自淬勵以兄弟為師友名卓卓庠

序間熙祚中天啓甲子舉人兩蹶南宮選興寧令與

俗刁悍地產斷腸草每茹以嚇人得所欲乃服解藥

否則甘死不自惜為所誣者家立破熙祚嚴禁之犯

者死勿問又令民得輸草代贖鍰絕其種或曰草

可盡乎曰不然但使吾在事而草不為毒繼吾者同

心行之勿懈則此風可革矣。以最入爲侍御史。百姓攀留者載道。明之中晚甚重進士甲科。若乙榜起家必銖累而升。至藩叅臬副輒止。與臺省津要梯級頓殊。熙祚以乙榜得之。亦異數也。十五年春極論安慶巡撫庸劣債事。廬州副使道貪淫罪。風采稜稜時。婁東復社之獄起。先是熊開元爲吳江令。肇舉復社課諸生。邑庠吳翮等與郡中名士張采張溥楊廷樞顧夢麟楊彝文震亨等敦尚古學。皆郡中眉目好澄別流品。嚴持清議。吳越人文景從雲附。士以不與爲耻。

二張先後成進士。采令臨川去。而溥讀中秘書。臧否人物。撻執政烏程。怒乞假南旋。采亦以養母歸里。會蘇州理刑周某與二張不相能。巡按御史露章劾司理竟以墨敗。周疑御史受意於二張也。謂已去官。由復社諸紳詆譎所致。因誣告溥等交結諸郡生徒。共爲部黨。挾持朝政。而太倉劣衿陸某營附復社。噉名社中。莫之許。亦怒走京師。望風訐奏。言風俗之弊。皆由於士子奉太倉州庶吉士張溥前臨川知縣張采倡復社以亂天下。而二張又與侍郎錢謙益相得。謙

益與烏程爭枚卜。訐辯御前。烏程已倖勝而怒。猶未解。遂以復社嗣於東林。爲天子言之。票嚴旨命南京提學御史倪元琪覈奏。倪極言其妄。上怒責元琪。蒙飾降光祿寺錄事。嚴旨勘議人情。洵洵莫測。牽連六七年。溥暴病卒。采回奏烏程已去位。上念書生結社無他罪。竟置勿問。上怒解黨禍。緣此亦解。及熙祚爲御史。與姜給事塚交章頌其寃。言溥所纂修經史有功典學。請徵遺籍備史館。上命提學御史進呈天下傳而頌之。尋命按楚獻賊蹂躪湖北。癸未五月破武

昌縛楚王沉之江。轉入湖南。八月陷岳州。謀過湖三卜於洞庭。君皆不吉。投筊大詬。斂千艘於湘潭。將渡風作。覆其百艘。獻忠大怒。還岳連我。編載婦女積薪灌油。投以炬。延燒四十里。夜中水光如晝。遂騎而破長沙寶慶。再破衡州。熙祚護吉惠桂三邸趨廣西。而以身當寇。入永州拒守。奸細內間。城陷被執。見獻賊大罵賊怒。去其衣懸於竿首。引弓示將發。矢旣復下。之脇其降。復使降將尹先民說之。熙祚志益堅。罵益厲。賊乃縛其兩足。繫馬尾。曳而馳。口鼻耳目皆敗血。

糝糊骨支出口不能言猶嘔血作罵狀遇害於寧鄉
孔廟中剖腹剝臟而死子舉人晉蕃徒步至楚求父
遺骸遇寧鄉廟僧海月授以所殮匣携歸并得其永
州詩有精忠血噴九霄空萬古乾坤終不老之句事
聞蒙卹典諡忠毅永祚兩中副車選得嶧縣邑故健
訟而多盜永祚加意拊循頑俗頓改時郡城劉宗周
負重望長吏冀一見不可得獨引爲道義交益其清
風介節素孚於正人君子也歷知興化府以疾乞休
養病仙逝丙戌六月二十二日聞

大兵入閩嘿取篋中藥一丸吞之嘔血而卒綿祚中
崇禎辛未進士知永豐縣距贛百餘里有九連山界
江楚閩廣間賊倚爲窟穴綿祚請於各撫合兵會勦
時已病猶身履行間以勞瘁卒天子特予優卹亦外
吏曠典也湖南郡縣大都皆爲賊破惟道州以守備
沈○至○緒○力○戰○得○全○至○緒○浙○江○蕭○山○人○住○長○巷○里○中○辛
未武進士誓死報國再戰馬驚仆地身殞陣中其女
雲英奮呼持矛趨賊壘奪父屍還賊環擗之雲英左
右支格莫能傷而道州終不破湖撫王聚奎疏聞贈

至緒昭武將軍賜祠麻灘驛春秋祀之授雲英遊擊將軍仍代父爲守備領兵守道州誥詞有云求屍殺寇不用城頽哭父捐軀如浮江出讀者偉之會其夫賈萬策四川人爲督師大勦營中軍鎮荊州分守南門亦以城陷遇害雲英慟哭辭職扶二柩歸教授里中兼以書法訓後學族有沈兆陽名士也亦從雲英受春秋胡氏傳年三十八而卒於今蕭山人又稱長巷沈氏有女將軍當賊破湖南時衡陽知縣張鵬翼西充人由選貢除授十六年八月張獻忠逼衡州巡

撫黃如魁李乾德及監司以下皆走士民亦盡室奔竄鵬翼獨守空城賊至卽陷脇降不從戟髯大罵賊怒縛而投諸江妻子亦赴水死賊之赴岳州也巴陵教諭桂陽歐陽顯宇時攝縣事死焉其陷臨湘也莆田林不息抗罵不屈斷其兩手後殺之湘陰之陷知縣大埔楊開率家屬十七人投水死其丞賴萬耀攝醴陵縣事城破死之宜興莫可及爲長沙府照磨攝寧鄉縣事殉城而死二子若鼎若鈺在家號慟奔收骸骨亦遇賊害無一歸者衡州旣陷屬縣衡山亦失

守○知○縣○富○順○董○我○前○教○諭○分○宜○彭○允○中○並○抗○節○死○賊○
 既○陷○長○沙○衡○州○遂○陷○常○德○同○知○鶴○慶○朱○國○治○正○冠○帶○
 而○死○府○教○授○永○明○蔣○道○亨○攝○武○陵○縣○事○抱○印○罵○賊○死○
 東○安○令○陳○道○壽○亦○不○屈○死○其○他○文○武○將○吏○非○降○則○逃○
 皆○無○足○紀○矣○

盧宜曰宜觀仲緝先生殉難事綏寇紀載公守永
 州城陷被執而野乘又云護藩斷後為賊所得二
 書皆出流綺手而不同後鑿錄與編年俱載入永
 州死守宜謂守永州則賊不能越永而前故三王
 皆得無恙若途中被執則三王亦落賊手而不能
 脫公得諡以此而叔與季亦不愧其兄矣

